



SPORTSKO UDRUŽENJE | SPORTS ASSOCIATION

FAIR PLAY

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

DISCIPLINSKI PRAVILNIK

„FAIR PLAY“ LIGE ZA SEZONU

2021/2022



Član 1.

Ovim pravilnikom uređuju se ovlasti Takmičarske komisije te određuju disciplinske mjere u slučaju nepoštivanja pravila propisanih Propozicijama Lige, Pravilima igre kao i kršenja osnova fair play-a.

Član 2.

Takmičarsku komisiju imenuje Upravni Odbor udruženja. Takmičarska komisija broji tri (3) člana. Takmičarskom komisijom predsjedava predsjednik, koji saziva i rukovodi sjednicama. Takmičarska komisija radi u skladu sa Propozicijama lige i Disciplinskim pravilnikom takmičenja. Takmičarska komisija donosi prijedlog izmjena i dopune Propozicija lige i Disciplinskog pravilnika.

Član 3.

Svrha disciplinskog kažnjavanja je sprječavanje činjenja prekršaja u budućnosti, preodgoj igrača i jačanje discipline, odgovornosti, ponašanja i morala svakog igrača ponaosob, kao i ekipa u cjelini. Vrste sankcija za igrače:

- Javna opomena (žuti karton)
- Isključenje (crveni karton)
- Novčana kazna (žuti karton 5 KM, crveni karton 20 KM)
- Zabrana igranja (od jedne do pet utakmica, u slučaju ponavljanja težih prekršaja kazne se udvostručuju)
- Isključenje iz takmičenja (u slučaju težih povreda pravila i propozicija fair play lige; psovanja vjerskih svetinja; izazivanja ili učešća u fizičkom obračunu sa bilo kojim učesnikom takmičenja)

Vrsta sankcija za ekipe:

- Oduzimanje bodova
- Isključenje iz takmičenja



SPORTSKO UDRUŽENJE | SPORTS ASSOCIATION

FAIR PLAY

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

Član 4.

Pod javnom opomenom smatraju se sve opomene koje sudija, primjenjujući pravila nogometne/fudbalske igre, izrekne pokazivanjem žutog kartona igračima, upisanim u zapisnik utakmice, od prve do posljednje minute utakmice odigrane u punom trajanju.

Sudija je dužan delegatu prijaviti svaku javnu opomenu koju je izrekao na utakmici, kako bi iste bile unesene u zapisnik utakmice.

Ako je utakmica prekinuta, javne opomene sa te utakmice se ne evidentiraju dok se ne donese konačna odluka o registraciji te utakmice ili eventualno, njenom ponovnom igranju.

Član 5.

Igrač koji u toku takmičenja sakupi 3 (tri) žuta kartona, automatski dobiva kaznu neigranja prve sljedeće utakmice.

Svako isključivanje igrača iz igre (crveni karton) za sobom automatski povlači disciplinsku mjeru neigranja najmanje jedne (1) prve sljedeće utakmice.

Crveni karton (dva žuta) kojega igrač dobije zbog prekršaja, znači zabranu igranja na 1 (jednoj) utakmici, a u ponovljenom slučaju kazna se udvostručuje.

Direktan crveni karton kojega igrač dobije zbog grubog prekršaja znači zabranu igranja do 3 (tri) utakmice, a u ponovljenom slučaju kazna se udvostručuje.

Član 6.

Ko se nesportski ponaša prema igraču svog ili protivničkog tima, sudijama utakmice, delegatu i zapisničarima, gledaocima u toku igre, poslije igre na terenu za igru ili van njega, a u vezi sa Fair Play ligom, biće kažnjen:

a) igrač, zabranom igranja do 3 utakmica,

b) službeni predstavnik/trener zabranom vođenja ekipe 3 utakmica,

Ako se prekršaj iz st. 1. ovog člana, okvalifikuje kao teži prekršaj ili se ponovi, biće kažnjen:

a) igrač, zabranom igranja do 10 utakmica,

b) službeni predstavnik/trener, zabranom vršenja funkcije do kraja takmičarske sezone.

Pod nesportskim ponašanjem podrazumijeva se: psovanje artikulirano u bilo kojoj formi, pljuvanje, nepristojni gestovi, prigovarane i prkošenje odlukama sudija utakmice, kao i izazivanje igrača svoga i protivničkog tima, službenih lica i gledalaca riječima, pokretima i gestovima, kao i sve radnje koje mogu štetiti ugledu Fair Play lige.

Član 7.

Pod grubom igrom podrazumijeva se dolaženje u dodir sa protivničkim igračem na nedozvoljen način ili način protivan postojećim pravilima nogometne/fudbalske igre, sa upotrebom prekomjerne snage kao i startovanje sa obje noge, podmetanje đona, saplitanje protivnika, neizbjegavanje povrede protivnika, odnosno prekoračenje samozaštite i sl.

Igrač koji bude isključen na osnovu člana 6 stav 1 biće kažnjen zabranom igranja do tri utakmice.

Ako se prekršaj iz st. 1. ovog člana ponovi igrač će biti kažnjen zabranom igranja do šest utakmica.

Član 8.

Fizički napad je udarac određenim dijelom tijela ili nekim predmetom, ali ne guranje ili odgurivanje, osim u slučaju kada je onaj koji je fizički napadnut usljed guranja ili odgurivanja oboren na tlo.



SPORTSKO UDRUŽENJE | SPORTS ASSOCIATION

FAIR PLAY

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

Igrač, koji za vrijeme igre fizički napadne igrača, svog ili protivničkog tima, biće kažnjen zabranom igranja do 5 utakmica..

Ako se prekršaj iz st. 1. ovog člana okvalifikuje kao teži prekršaj ili se ponovi, igrač će biti kažnjen zabranom igranja do 10 utakmica.

Igrač, koji fizički napadne službeno lice utakmice prije utakmice, za vrijeme utakmice ili poslije utakmice, a u vezi sa Fair Play ligom, biće kažnjen zabranom igranja 5 utakmica

Ako se prekršaj iz st. 3. ovog člana okvalifikuje kao teži prekršaj ili se ponovi, igrač će biti kažnjen isključenjem iz takmičenja.

Igrač, koji fizički napadne gledaoca za vrijeme igre ili poslije završetka utakmice, biće kažnjen zabranom igranja do 5 utakmica.

Ako se prekršaj iz st. 5. ovog člana okvalifikuje kao teži prekršaj ili se ponovi, igrač će biti kažnjen zabranom igranja do 10 utakmica.

Član 9.

U slučaju izazivanja prekida utakmice, koja ne bude nastavljena, igrači će biti kažnjeni zabranom igranja 5 utakmica.

Ako je ekipa za vrijeme utakmice prouzrokovala nered zbog kojih je utakmica prekinuta ili je napustila teren za igru pa utakmica nije nastavljena, ekipa će biti kažnjena oduzimanjem šest bodova.

Igrač ili predstavnik ekipe koji nagovara tim da iz bilo kojih razloga napusti teren ili ne započne igranje utakmice, biće kažnjeni sa 5 utakmica neigranja i vođenja ekipe.

Ekipa koja neopravdano ne nastupi na utakmici, biće kažnjen oduzimanjem od tri do 6 bodova, odnosno od tri do 6 negativnih bodova, a utakmica će se registrovati službenim rezultatom za protivničku ekipu (5-0).

Ako u ekipi nastupi igrač koji nije imao pravo po bilo kojem osnovu (prijavljen je mimo pravila i propozicija Fair Play lige, nastupa iako je pod suspenzijom, nastupa pod drugim imenom i prezimenom), a naknadnom provjerom se utvrdi tačnost takve informacije, ekipa se kažnjava oduzimanjem svih bodova koje je osvojila u utakmicama u kojima je nastupao taj igrač, a igrač zabranom nastupa godinu dana u Fair Play ligi.

Oduzeti bodovi se ne dodjeljuju protivničkim ekipama.

Član 10.

Za prekršaj, pri čijem izvršenju je učinilac postupio sa naročitim drskošću, upornošću, bezobzirnošću ili je prekršaj proizveo naročito teške posljedice, ili je učinjen pod naročito otežavajućim okolnostima, može se izreći veća mjera, do dvostruke visine propisane kazne ili stroža kazna.

Član 11.

Svaki pokušaj fizičkog napada na sudiju utakmice kažnjava se zabranom igranja 5 (pet) utakmica, a u ponovljenom slučaju isključenjem iz takmičenja.

Fizički napad na sudiju podrazumijeva bilo kakav fizički kontakt igrača sa sudijom, bez obzira na njegov intenzitet.



SPORTSKO UDRUŽENJE | SPORTS ASSOCIATION

FAIR PLAY

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

Član 12.

Za fizički obračun među igračima, kao i sa službenim predstavnikom ekipe minimalna kazna zabrana igranja, odnosno učešća na 5 (pet) utakmica.

Član 13.

Zabranom igranja 2 (dvije) utakmice kažnjavat će se nesportsko ponašanje izvan igrališta (vrijeđanje zapisničara, lupanje po stolu, udaranje po štoperici i slični prekrasaji), kao i za napucavanje lopte u zid ili u gledalište, a u ponovljenom slučaju kazna se udvostručuje.

Član 14.

Psovka igrača koja nije upućena protivničkom igraču, sudiji, predstavnicima SU Fair Play ili publici, a koja je posljedica afekta igrača se kažnjava žutim kartonom, a ako se radi o psovci upućenoj suparničkom igraču ili sudiji kazna je crveni karton (tri utakmice neigranja).

Ukoliko igrač ponovi ispad ove vrste kažnjava se zabranom igranja 6 (šest) utakmica.

Član 15.

U slučaju psovki vjerskih svetinja igrač se kažnjava zabranom igranja 2 (dvije) godine, a u ponovljenom slučaju znači apsolutnu zabranu igranja u Fair Play ligi.

Član 16.

Zbog izazivanja ili učešća u fizičkom obračunu sa bilo kojim sudionikom takmičenja Takmičarska komisija može donijeti mjeru isključivanja iz takmičenja za pojedinca kao i cijele ekipe, te zabrane učešća na svim takmičenjima u organizaciji Malonogmetne lige "Fair Play".

Član 17.

Svaki pokušaj namještanja utakmice će značiti diskvalifikaciju pojedinaca i ekipa, te brisanje svih postignutih rezultata istih.

Član 18.

U slučaju namjerno nanesene materijalne štete stvarima, sredstavima i rekvizitima koji su u vlasništvu Malonogmetne lige "Fair Play", kao i u slučaju bilo kakvog uništavanja imovine u dvorani gdje se takmičenje održava, Takmičarska komisija Lige može donijeti odluku zabrane učešća na takmičenjima koje organizira Malonogmetne lige "Fair Play", kao i tražiti naknadu štete pred nadležnim sudom.

Član 19.

Odluke Takmičarske komisije su konačne i na njih nije moguće izjaviti žalbu.

Sarajevo, oktobar 2021. godine

Upravni odbor